

સોરં હારુ બાયબલ
વતાડવું

ઈસુ મસીન દુખ વેઠવેનું
પેલખું અઠવાડજય



લખવાવાળો: Edward Hughes
સીતરો હાતે: Janie Forest
બણાવાવાળો: Lyn Doerksen
અનુવાદ કરવાવાળો: સસીનકુમાર ભુરજયો
કેવાવાળો: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2017 Bible for Children, Inc.


પરવાનગી: તમું ઈની વારતાવેન સપાવે સકો સે, ઈ સોપડજયે વેસવા હારુ નેમળે.

1

તે બજયેર ગુલગથા નામની
જગંય ઈબી રીલી હેતી, તીની
દુખહી ભરીલી આંખેહી તે
ભાળી રી હેતી. તે ઈસુન
આય મરીયમ હેતી ઝાં
ઈસુ મસીન કરુસ ઈપેર
ખીલા ઠોકયા હેતા.



2




યો બદ્ધ કીકીમ થાયું? ઈતરી
હેલાયહી કીકીમ ઈસુના તાજા
જીવનનો નાસ થાય જયો? દેવે
કીકીમ ઈવી પરવાનગી
આલી કે, આં તેન
સોરાન કરુસ ઈપેર
ખીલા ઠોકેન માર
દડાય? હું ઈસુવે કય
ગુનો કર્યો કે? હું દેવહી
કય ગુનો થાયો હેતો?

3




ના! દેવે કોય ગુનો કર્યો નેહેતો.
ગુનો કર્યો નેહેતો. ઈસુ પેલંહો
જાણતો હેતો કે, કોય ભુંડો
આદમીસ તેન મરાવેનો સે. ઝેરં
ઈસુ નાનો હેતો તેરં સીમોન
નામના એક ડુહાવે મરીયમને કેદું
હેતું કે, યો દુખ ગમે તેરં આવે સકે
સે. ભુંડું બદી જગાવે થાવેનું સે.

4




ઈસુન મરાવેનો
હેતો તેના થોડાક
દન પેલં એક બજયેર
આવી ને તીનજયે ઈસુન
પોગં ઈપેર અસલ ગંદાવાવાળું
અંતર સુપડયું. ઈસુન સેલાવે કેદું,
તે રુપજયાનો વગાડ કરી રી સે.
પોણા ઈસુવે કેદું કે, તીનજયે
તાજું કામ કર્યું સે. તીનજયે
એવું માર ડટાવેની તીયારી હારુ કર્યું
સે. ઈ કીવી નવાય લાગે ઈવી વાર્તે સે?

5




તેન પસે યહુદા ઝી ઈસુન બાર
સેલામાંનો એક હેતો. સાંદીના
તરીહ રુપજયા હારુ મુખય યાજકો
હાતે ઈસુન મરાવ દડવા
તીયાર થાય જયો હેતો.

6



યહુદજયંના પાસકા તેવાર પસે ઈસુવે તેન
સેલું ખાવેનું પુતેના સેલા હાતે ખાદું. ઈસુવે
તેનંન પુતેની એક ખાસ વાત કીદી. ઝી તેન
પરેમ કરતા હેતા. તેને તેનંન બદંન વસમં
વાટવા હારુ રોટો ને દરાગરોહ આલયો. તો
તેન ઈયાદગીરી હારુ હેતું કે, ઈસુન ડીલ ને
તેન લોય પાપજયંના
પાપોની માફી હારુ
આલ દેદું હેતું.

7



તેરં ઈસુવે તેન સેલાન કેદું કે, તમું બદા માર હાતે દગો કરેન મન મેલેન
નાહે જાહો. પોણા પીતરે કેદું કે, હું તન મેલેન નેનાહું. તેરં ઈસુવે કેદું કે,
કુકડા બુલવા પેલ તું મન નથ વળખતો એમ તાંણ વખત કીહી.


8



તેન પસે ઈસુ તેન સેલા હાતે ગેતસેમાની વાડીમ પરાથના કરવા જયો. તી પરાથના કરેન પાસો આયો ને તેનંન હુતીલા ભાળયા. તેરં ઈસુવે પરાથના કરી કે, એ માર બા, ઈ દુખનો વાટકો માર કનહો સીટી કર. તે પોણ મારી મરજી પરમણે નેપોણ, તારી મરજી પરમણે થાવા દે.

9

તીનીસ ઘડી મનખંનું એક ટોળું ગેતસેમાની વાડીમ આયું. તેનંની અગેવની યહુદા કરી રીયો હેતો. ઈસુવે તેનંન કય નેકરયું. પોણ પીતરે એક આદમીનો કાનહો કાપ દડયો. ઈસુ તેન કાનહાન અડયો ને તેન હદાર દેદો. ઈસુ જાણતો હેતો કે, તેનંન હાથમં હવાય જાવેની દેવની મરજી હેતી.



10

તી ઈસુન હાયન મુટા યાજકના મેલમં લી જયા. જાં યહુદી અગેવનો ભેળા થાયલા હેતા તી પોણ કેતા હેતા કે, તેન માર દડો. તેરં પીતર પોણ સપાજયાન હાતે હાઉ ઈસુનું હું થાહે તો ભાળે રીયો હેતો.



11

તાંણ વખત મનખંય પીતરને ભાળેન કેદું, તું પોણ ઈસુન હાતે હેતો. પોણ તાંણ વખત પીતરે નકાર કરયો ને જેમ ઈસુવે કેદું હેતું તેમેસ પીતર હમ ખાયન કેવા લાગયો હું તેના મનખને નથ વળખતો.




12

તેતરામસ કુકડો બુલયો યે પીતર હારુ દેવની બુલી હેતી. ઈસુની કીદીલી વાત ઈયાદ કરેન પીતર બારતં જાયન જુરજુરનો ગાંગરવા લાગયો.




13

યહુદા ઘણો દુખી થાયો, તી જાણતો હેતો કે, ઈસુવે કોય પાપ કે ગુનો કરયો નેહેતો. યહુદાવે સાંદીના તરીહ રુપજયા પાસા આલ દેદા. પોણ મુખય યાજકોવે તી રુપજયા નેલેદા.




14




યહુદા બારતં જયો, ને તી
સાંદીના તરીહ રુપજયા નીસં
ફેક દેદા. અન તાંહો જાયન પુતે
ગળવા ખાયન મરી જયો.

15




મુખય યાજકો ઈસુન રોમના રાજપાલ
પીલાત કન લીજયા. પીલાતે કેદું, મન એના
મનખમં કય લુલ નથ ભળાતી. પોણ મનખં
જુરજુરહં સીસાયન કેવા
લાગયં. તેન કરુસ ઈપેર
સડાવો! તેન કરુસ
ઈપેર સડાવો.

16




એતરે પીલાતે ઈસુન કરુસ ઈપેર સડાવા હુકમ
આલ દેદો. સપાજયાવે ઈસુન હાપટા મારયા,
તેન ઈપેર મોડા ઈપેર થુકયા, ઘોદા વાદા. તેનંય
લામા ને અણીદાર કાટાનો એક મુંગટ બણાવેન
તેન મુનકા ઈપેર મેલયો. તેન પસે તેનંય ઈસુન
મારવા હારુ લાકડાના કરુસ ઈપેર ઠોક દેદો.

17




ઈસુ પેલાંહો જાણતો હેતો કે, મારું મરણ ઈવી રીતે થાહે. તી યો
પોણ જાણતો હેતો કે, તેનું મરણ તેનં પાપજયંની માફી હારુ ઝી તેનમં
વીસવાહ કરે સે. ઈસુન હાતે? બે સોરટાન પોણ
કરુસ ઈપેર સડાયા હેતા. એક ઈસુમ
વીસવાહ રાખતો હેતો તી હરગમં
જયો. પોણ બીજો નેજાય સકયો.

18



તાંણેક વાગયા પસે ઈસુવે કેદું, યો બદું
પુરું થાયું. એમ ઈસુવે જીવ સુડ દેદો.
તેને તેનું કામ પુરું કરયું. ટેન
સેલાવે તેન એક નવી
કબરમં ડાટ દેદો.


19



રોમન સપાજયાવે કબરને હાકોળહી
બાંદેન મોહર મારેન રખવાળી
કરી. હાઉ કોયપોણ મનખ
બારતં નેતે મંય
નેજાય સકે.


20

ઝો યે વારતા પુરી થાયી ગય વેતે,
 યે કીતરી દુખની વાત સે. પોણ
 દેવે ખાસ મુટું કામ કરયું.
 ઈસુ મરેલો નેરીયો.




21

અઠવાડજયાન પેલે દન હવેરમં ઈસુન હાતે
 રેવાવાળવે ભાળયું કે, કબરનો ભડખો
 હરકાવલો હેતો. ઝેરં તેનંય મંય
 જાયન ઠુકેન ભાળયું તેરં
 તાં ઈસુન ડીલ નેહેતું.




22

એક બજયેર કબરને મેરં ઈબી રી હેતી, ને ઈબી
 ઈબી ગાંગરી રી હેતી. તીનીન ઈસુ ભળાયો!
 તે ખુસીની મારી તાંહી ડોટેન સેલા કન
 યો કેવા ગયી કે, ઈસુ જીવતો થાયો
 સે! ઈસુ મરેલામાંહો પાસો જીવતો
 થાયો સે.



23

તીનીસ ઘડીમ ઈસુ તેન સેલા કન જયો. અન ખીલાના પરેલા
 ઘાવાળા હાથ વતાડયા. યો ખરું હેતું કે, ઈસુ પાસો જીવતો
 થાયો હેતો. તેને તેનંન મારવેની માફી આલ દીદી, ને ઈસુવે
 તેન સેલાન એવું કેવા કેદું. પસે તી હરગમં સડી જયો.
 ઝાંહો તી પેલખી નાતાલે આયો હેતો.



24

ઈસુ મસીન દુખ વેઠવેનું પેલખું અઠવાડજય

બાયબલમાંહી મન દેવની વાતેમં,

વારતાવે મળી સે


માથી ૨૬-૨૮, લુક ૨૨-૨૪, યોહાન ૧૩-૨૧

“ઝી આપડ જીવનમં ઈજવાળું આલે સે.”

ગીતસાસતર-૧૧૯:૧૩૦

25

પુરું થાયું



54



60 26

બાયબલની ઈ વારતાવે આપુનં આપડ એવા મુટા દેવ વીસે વતાડે સે કે,
તેને આપુનં બણાયં ને તીની મરજી સે કે, આપું તેન વળખજયે. દેવ જાણે સે કે,
આપુંયે કેવા ગુના કરયા સે. ઝેનંન તી પાપ ગણે સે પાપની સજયા મરણ સે. કેમકે દેવ
આપડ ઈપેર કેતરો પરેમ કરે સે કે, દેવે તેના એકના એક સોરા ઈસુ મસીન ઈની દનયંમ
કાડયો કે તી આપડ પાપો હારુ દુખ વેઠે. ઈસુ મસી મરણ પામયો પસે પાસો જીવતો થાયો ને
હરગમં સડી જયો. ઝે તમું ઈસુ મસીમ વીસવાહ કરો ને પાપોની માફી માંગો તેરં તી તમારી
પરાથના હામળહે ને તી હમણંસ આવેન તમારમં રેહે ને તમું તેન હાતે કાયમ રેહો.

ઝે તમુંન વીસવાહ સે કે, યો બદું હાસું સે તેરં દેવને તો કો:
વાલા ઈસુ મસી મન વીસવાહ સે કે, તુંસ દેવ સે ને મનખના રુપમં જનમ લેદો
ને મારા પાપોન લેદે મરણની સજયા ભુગવી ને હમણં પાસો જીવતો થાયો સે. દીયા
કરેન માર જીવનમં આવેન માર પાપોન માફ કર. એતરે મન નવું જીવન મળે ને
કાયમ તાર હાતે રું. એ ઈસુ મસી મારી મદદ કર કે હું તાર બદા હુકમોન
પાળું ને તાર સોરાન જેમ હું તાર હાતે જીવી સરું...આમેન.

બાયબલ વાસેન રુજ રુજ દેવ હાતે વાત કરો. યોહાન ૩-૧૬